

## **Sango - Yingo Voulou Mbeti ti Nzapa - Holy Spirit Scriptures**

**Exodus 35:31 na Lo sala si lo sî na Yingo ti Nzapa, na ndara, na ndara ti hinga nda ti ye, na mayele ti sala koussala ti ouakode nde nde koue,**

**Namoota 11:25 Na L'Eternel A jou na ya mbinda ni, Lo sala tene na lo, Lo kamata Yingo so A yeke na ndo Moïse, na Lo djia na ndo a-ancien balimbassambala nga. Na tonga na Yingo A douti na ndo ala, ala fa tene na iri ti Nzapa, mais ala sala tonga so mbeni pepe.**

**1 Samuel 10:6 Fade Yingo ti L'Eternel A ga na ndo mo, na fade mo fa tene na iri ti Nzapa legueoko na ala; na fade mo bian, mo ga mbeni jo nde.**

**2 Samuel 23:2 Yingo ti L'Eternel A sala tene na yanga ti mbi, Tene ti Lo a yeke na menga ti mbi.**

**Job 33:4 Yingo ti Nzapa A sala mbi, Na mbo' ti Lo Ti Ngangou Aho Koue a mou fini na mbi.**

**Esaïe 11:2 Na fade Yingo ti L'Eternel A douti na ndo Lo, yingo ti ndara na ti hingango nda ti ye, yingo ti ouango-tene na ti ngangou, yingo ti hingango-ye na ti kpengo-mbito ti L'Eternel.**

**Michée 3:8 Mais ti mbi, mbi sî na ngangou na Yingo ti L'Eternel, na fa'ngo- mbanga ti mbilimbili, na ngangou mingui, si mbi fa na Jacob kengo-ndia ti lo na mbi fa na Israël siokpari ti lo.**

**Zacharie 4:6 Tonga so lo sala tene na mbi, lo tene, So a yeke tene ti L'Eternel so Lo tene na Zorobabel, Na legue ti ye ti bira pepe, ouala na legue ti ngangou pepe, mais na legue ti Yingo ti Mbi, L'Eternel Ti Angangou Koue A tene.**

**Matthieu 12:28 Mais tonga na Mbi touma ayingo sioni na guigui na legue ti ngangou ti Yingo ti Nzapa, ka' royaume ti Nzapa a si na i aoue.**

**Matthieu 28:19 Tonga so i goue, i fa tene na amara koue si ala ga adisciple. I baptisé ala na iri ti Baba, na ti Melengue, na ti Yingo Voulou.**

**Marc 1:10 Na fade fade, tonga na Lo yeke si guigui na ya ngou, Lo ba yayou a sourou, na Yingo A jou na ndo Lo tonga na boungou.**

**Marc 13:11 Tonga na ala gbo i na ala goue na i na mbanga, i gui be ti i kodjoni pepe tene ti tene so fade i tene. Mais tene so A mou na i na l'heure ni so, i tene tene so teti fade a yeke i si i sala tene pepe mais A yeke YingoVoulou.**

**Luc 2:26 na Yingo Voulou A fa na lo, fade lo koui pepe juska lo ba Christ ti Seigneur.**

**Luc 4:1 Jésus A sî na Yingo Voulou, Lo loundou na Ngou Ti Jourdainlo kiri. Yingo A fa legue na Lo ti tambela na yando la balioussio,**

**Luc 4:18-21Yingo ti Seigneur A yeke na ndo Mbi Teti Lo sa mafouta na li ti Mbi si Mbi fa Tene-ndjoni na a-ouanzinga. 19Lo to Mbi ti fa tene ti liberté na amgba, Ti tene na aouaziba fade ala ba ndo, Ti dji ala so a yeke na ti ti ajo so a sala ngangou na ala, Na ti fa tene ti ngoy ti be-ndjoni ti Seigneur. 20 Lo kanga mbeti ni, Lo mou na capita ti synagogue, na Lo douti. Le ti ajo koue**

**so a yeke na ya synagogue a ngba ti ba Lo. 21 Lo commencé ti sala tene na ala, Lo tene, La so, tene so ti Mbeti ti Nzapa a ga tâ tene aoue na gbele i.**

**Luc 12:11,12 Tonga na ala goue na i na gbele ajo ti synagogue, na amakounzi, na ajo ti commandé, i qui be ti i pepe tene ti tene so fade i kiri ti bata fini ti i, teti na l'heure ni mveni fade Yingo Voulou A fa na i tene so a lingbi i tene.**

**Jean 7:38,39 Jo so a ma na be na Mbi, fade ngou so a mou fini a si guigui na be ti lo, a soua, legueoko tonga na Mbeti ti Nzapa a tene. 39 Mais Lo sala tene so tene ti Yingo so fade ala koue so a ma na be na Lo a ouara. Teti Yingo ni A de A ga pepe, teti Jésus A de A ouara gloire pepe.**

**Jean 14:16,17 Na fade Mbi hounda Baba, na fade Lo mou na i mbeni Ouaouango ti douti na i la koue, 17 même Yingo Ti Tene-biani, Lo so sesse so a lingbi kamata Lo pepe, teti sesse so a ba Lo pepe na a hinga Lo pepe. Mais i hinga Lo, teti Lo douti na i, na fade Lo yeke na ya i.**

**Jean 14:26 Mais Ouaouango Yingo Voulou Lo so fade Baba A to Lo na iri ti Mbi fade Lo fa na i ye koue. Na fade Lo dabe i na tene koue so Mbi tene na i aoue**

**Jean 16:7,8 Mais Mbi tene na i tene-biani, gouengo ti Mbi a yeke ndjoni teti i. Teti tonga na Mbi goue pepe, fade Ouaouango A si na i pepe. Mais tonga na Mbi goue, fade Mbi to Lo na i. 8 Na la ni so Lo si, fade Lo djingo na sesse so tene ti siokpari, tene ti mbilimbili, na tene ti mbanga:**

**Jean 16:13-15 Mais tonga na Lo, Yingo Ti Tene-biani, A si, fade Lo fa na i nda ti tene-biani koue. Teti fade Lo sala tene ti be ti Lo mveni pepe. Mais fade Lo tene gui tene so Lo ma aoue, na fade Lo fa na i ye so a yeke ga. 14 Fade Lo mou gloire na Mbi, teti fade Lo kamata ye ti Mbi, Lo fa ye so na i. 15 Ye koue ti Baba a yeke ti Mbi. Tonga so si Mbi tene, fade Lo kamata ye ti Mbi, na Lo fa ye so na i.**

**Jean 20:21,22 Jésus A kiri A tene na ala, Siriri a douti na i! Legueoko tonga na Baba A to Mbi, Mbi to i nga. 22 Tonga na Lo tene tene so aoue, Lo ouo mbo' na ndo ala, Lo tene na ala, I kamata Yingo Voulou.**

**Koussala ti aBazènguélè 1:2 juska la ni so A kamata Lo na yayou. Kodjoni si Lo goue, Lo mou acommandement na abazenguele so Lo iri ala teti Lo mveni. Lo mou acommandement so na ala na legue ti Yingo Voulou.**

**Koussala ti aBazènguélè 1:5,8 Jean a baptisé ajo na ngou guiriri, mais a ngba gui la oko oko na fade A baptisé i na Yingo Voulou. 8 Mais fade i ouara ngangou tonga na Yingo Voulou A ga na ndo i. Na fade i ga atémoi ti Mbi na Jérusalem, na Judée, na Samarie koue, na juska na nda ti sesse.**

**Koussala ti aBazènguélè 2:1-4 Tonga na la ti Pentecôte a si, ala koue a bongbi na ndo oko. 2 Na fade fade toto, tonga na ti kota poupou so a ïa ngangou, a loundou na yayou a jou, na toto ni a sî da ni koue, ndo so ala yeke douti da. 3 Na aye so a kpa amenga-oua a si na ala, na amenga-oua so a kangbi a douti na ndo ala oko oko koue. 4 Na ala koue a sî na Yingo Voulou, na ala commencé ti sala tene na ambeni yanga nde nde na legue ti ngangou so Yingo A mou na ala.**

**Koussala ti aBazènguélé 2:17-19 Nzapa A tene, Na la ti nda ni, Fade Mbi sa Yingo ti Mbi na ndo ajo koue. Fade amelengue ti i ti koli na ti ouali a fa tene na iri Tinzapa. Fade abiakoli ti i a ba aye so a kpa souma, Na fade akangba koli ti i a ba asouma. 18 Biani, na la ni ka, fade Mbi sa Yingo ti Mbi na ndo aboy Timbi ti koli na ti ouali, Na fade ala fa tene na iri ti Mbi. 19 Fade Mbi fa na i aye ti kpene na lè-ndouzou, Na fade Mbi mou na i afâ na ndo lè-sesse: Mene, na oua, na mbinda ti gourou ti oua. (Joël 2:28,29)**

**Koussala ti aBazènguélé 2:33,38 Nzapa A ya Lo na ndouzou ti douti na koti ti Lo, na Lo ouara Yingo Voulou na ti ti Baba, Yingo so Baba A je ti mou na Lo. Tonga so Lo sa na ndo ajo so, ye so i ba na i ma. 38 Pierre a tene na ala, I changé be ti i. I oko oko koue i ouara baptême na iri ti Jésus-Christ, si fade A pardonné siokpari ti i, na fade i ouara matabissi ti Yingo Voulou.**

**Koussala ti aBazènguélé 4:31 Tonga na ala sambela aoue, ndo so ala bongbi da a yingui, ala koue a sî na Yingo Voulou, na ala fa tene ti Nzapa na mbito pepe.**

**Koussala ti aBazènguélé 8:15-17 Tonga na ala si ka, ala sambela teti ala si ala lingbi ouara Yingo Voulou, 16 teti Lo de Lo jou na ndo oko ti ala pepe kamême ala ouara baptême aoue na iri ti Seigneur Jésus. 17 Tonga so Pierre na Jean a djia maboko ti ala na ndo ala, na ala ouara Yingo Voulou.**

**Koussala ti aBazènguélé 8:39 Tonga na ala si guigui na ya ti ngou, Yingo ti Seigneur A kpala Philippe, na mbaïoua ni a ba lo mbeni pepe. Mbaïoua ni a goue na legue ti lo na nguia mingui. (1 aGbia 18:12)**

**Koussala ti aBazènguélé 9:31 Tonga so a-église so a yeke na sesse ti Judée, ti Galilée, na ti Samarie a douti na siriri, na a kpingba. A-église a ouou mingui teti ala tambela na legue ti mbito ti Seigneur na ti ouango ti Yingo Voulou.**

**Koussala ti aBazènguélé 10:44,45 Tonga na Pierre a ngba ti sala tene so, Yingo Voulou A jou na ndo ala koue so a ma tene so. 45 Be ti Ajuif a do, ala so a yeke aouamabe so a yeke na Pierre. Be ti ala a do teti A sa matabissi ti Yingo Voulou na ndo Agentil nga,**

**Koussala ti aBazènguélé 11:15 Tonga na mbi commencé ti sala tene, Yingo Voulou A jou na ndo ala, legueoko tonga na so Lo jou na ndo ani kodjoni.**

**Koussala ti aBazènguélé 13:52 Mais adisciple a sî na tâ nguia na YingoVoulou.**

**Koussala ti aBazènguélé 19:6 Tonga na Paul a djia maboko ti lo na ndo ala, Yingo Voulou A ga na ndo ala, ala sala tene na yanga nde nde, na ala fa tene na iri ti Nzapa.**

**Koussala ti aBazènguélé 20:23 Mais mbi hinga, Yingo Voulou A oua mbi na akodro oko oko koue. Lo tene, da ti kanga, na aye ti ngangou a kou mbi ka. aRomain 5:5 Bekou a mou kamela pepe, teti Nzapa A sa ndoye ti Lo na ya be ti ani na legue ti Yingo Voulou so Lo mou na ani aoue.**

**aRomain 8:9 Tonga na Yingo ti Nzapa A douti na ya i, i yeke ajo ti mi-tele pepe, i yeke ajo ti Yingo. Jo so a yeke na Yingo ti Christ pepe a yeke ti**

**Christ pepe.**

**aRomain 8:13-16 Tonga na i tambela na legue ti mi-tele, fade i koui, mais tonga na i sala si akoussala ti tele a koui na legue ti Yingo, fade i yeke na fini. 14 Teti ajo koue so Yingo ti Nzapa A fa legue na ala, ala yeke amelengue ti Nzapa. 15 Teti i ouara pepe yingo ti mgbia so a sala si i kiri i douti na mbito, mais i ouara Yingo so A sala si i ouara ndo-ti-melengue. Na ya Yingo so, ani tene na kongo, Abba! Baba! 16 Yingo mveni A sala tene ti témoins na yingo ti ani, Lo tene ani yeke amelengue ti Nzapa.**

**aRomain 8:26 Tonga so nga, Yingo A sala na ani na ndo so ani yeke na ngangou pepe, teti ani hinga pepe legue ti sambela na legue ni. Mais Yingo mveni A voro Nzapa teti ani na bimango so yanga a lingbi tene pepe.**

**aRomain 15:13 Teti i djia be ti i na Nzapa, mbi hounda Lo so A mou bekou, ti sala si be ti i a sî na tâ nguia na siriri, si bekou ti i a lingbi ouou na legue ti ngangou ti Yingo Voulou.**

**aRomain 15:19 Lo sala na legue ti ngangou ti afâ na aye ti kpene, na Lo sala na legue ti ngangou ti Yingo ti Nzapa. Mbi commencé na Jérusalem, na ambeni sesse ndoulou ka, mbi fa Tene-ndjoni ti Christ juska na Illyrie.**

**1 Corinte - 1 aCorinthien 2:10-13 Mais Nzapa A fa ye so na ani na legue ti Yingo ti Lo; teti Yingo A gui nda ti ye koue, même tâ nda ti ye ti Nzapa mveni. 11 Teti jo gne na popo ti ajo a hinga ye ti be ti jo, gui yingo ti jo ni mveni pepe? Tonga so nga, jo oko a hinga ye ti Nzapa pepe, gui Yingo ti Nzapa si A hinga. 12 Ani ouara yingo ti sesse so pepe, mais ani ouara Yingo so A loundou na Nzapa, si ani lingbi hinga ye so Nzapa A mou na ani sengue sengue. 13 Ani sala tene ti ye so nga, ani sala tene ni pepe na tene so ndara ti ajo a fa na ani, mais na tene so Yingo A fa na ani, na ani kamata tene ti yanga ti Yingo ti fa na guigui ye ti Yingo.**

**1 Corinte - 1 aCorinthien 3:16 I hinga pepe? i yeke temple ti Nzapa, na Yingo ti Nzapa A douti na ya i.**

**1 Corinte - 1 aCorinthien 6:11 Na ambeni oko oko ti i a yeke tonga so guiriri. Mais A soukoula i aoue, Nzapa A bata i nde teti Lo mveni, A diko i ajo ti mbilimbili na legue ti iri ti Seigneur Jésus-Christ, na A diko i ajo ti mbilimbili na legue ti Yingo ti Nzapa ti ani.**

**1 Corinte - 1 aCorinthien 12:3 Tonga so mbi fa na i ye so, jo so a tene, Zonga a ga na li ti Jésus! jo so a sala tene na ya Yingo ti Nzapa pepe; a yeke gui na legue ti Yingo Voulou si jo a lingbi tene, Jésus A yeke Seigneur!**

**2 Corinte - 2 aCorinthien 3:17 Na Seigneur A yeke Yingo; na ndo so Yingo ti Seigneur A yeke, liberté a yeke.**

**2 Corinte - 2 aCorinthien 13:14 Grâce ti Seigneur Jésus-Christ, na ndoye ti Nzapa, na be-oko ti Yingo Voulou a douti na i koue.**

**Galatie - aGalate 4:6 Na teti i yeke amelengue, Nzapa A to Yingo ti Melengue ti Lo na be ti ani aoue, Lo tene na kongo, Abba! Baba!**

**Ephèse - aEphésien 1:13,14 Na ya Lo i nga, tonga na i ma tene so aoue, tene**

**so a yeke tene-biani, Tene-ndjoni ti salut ti i; na ya Lo nga, tonga na i ma na be aoue, A kanga i na sceau ti Yingo Voulou ti jendo, 14 Lo so A yeke mazin ti ye ti héritier ti ani, juska la ni so Nzapa A ton' ye ti Lo, teti sepalango gloire ti Lo.**

**Ephèse - aEphésien 2:18 teti na legue ti Lo, ani osse a lingbi si na Baba na ya Yingo oko.**

**Ephèse - aEphésien 4:30 I mou voundou na Yingo Voulou ti Nzapa pepe, Lo so A kanga i na sceau na ya Lo juska la ti ton'ngo ani.**

**1 Thessalonique - aThessalonicien 4:8 Tonga so, jo so a ke tene so, lo ke tene ti jo pepe, mais lo ke tene ti Nzapa, Lo so A mou Yingo Voulou ti Lo na i.**

**1 Thessalonique - 1 aThessalonicien 5:19 I mingo oua ti Yingo pepe;**

**2 Thessalonique - 2 aThessalonicien 2:13 Mais a lingbi ani mou merci na Nzapa la koue teti i, a-ita so Seigneur A ndoye i mingui, teti Nzapa A kamata i so be ti Lo a ye guiriri kodjoni, si i lingbi ouara salut na legue ti Yingo so A bata i nde teti Nzapa, na legue ti ma tene-biani na be ti i.**

**Tite 3:5,6 Lo sau ani pepe na legue ti koussala ti mbilimbili so ani mveni a sala, mais Lo sau ani na legue ti be-ndjoni ti Lo, na legue ti soukoulango so a dou ani mbeni, na legue ti kiri ti sala ani na fini na legue ti Yingo Voulou, 6 so Lo sa mingui na ndo ani na legue ti Jésus-Christ Sauveur ti ani;**

**aHébreu 2:4 Nzapa nga A sala tene ti témoins na legue ti afâ, ti aye ti kpene, ti amiracle nde nde, na ti amatabissi so Yingo Voulou A mou na ajo na legue so Nzapa A ye.**

**aHébreu 10:15 Yingo Voulou nga A sala tene ti témoins na ani. Lo tene kodjoni:**

**1 Pierre 1:2 Mbi to lettre so na i so Nzapa Baba A iri i na guigui na legue ti ye so Lo hinga guiriri kodjoni, i so A iri i na legue ti Yingo so A bata i nde teti Nzapa, i so A iri i si i ma yanga ti Jésus-Christ, na A ki mene ti Lo na ndo i. Grâce na siriri a ouou mingui na i.**

**2 Pierre 1:21 Teti tene so prophète a fa na iri ti Nzapa a ga la oko pepe na legue ti ye so ala ye, mais ala sala tene so a loundou na Nzapa tonga na Yingo Voulou A sala na ala.**

**1 Jean 4:2 I lingbi hinga Yingo ti Nzapa na legue so. Ayingo koue so a tene na guigui, Jésus-Christ A ga na mi-tele guiriri, ala yeke ti Nzapa.**

**1 Jean 5:6-8 Jésus-Christ A yeke Lo so A ga na legue ti ngou na mene. Gui na legue ti ngou pepe, mais na legue ti ngou na mene nga. Na Yingo A yeke sala tene ti témoins, teti Yingo A yeke Tene-biani. 7 Teti ala yeke ota so a sala tene ti témoins, 8 Yingo, na ngou, na mene. Tene ti ala ota a songo.**

**Jude 1:20 Mais i so mbi ndoye i mingui, i maï na ya mabe ti i ti ndjoni aho koue na i sambela na ya Yingo Voulou.**